



Yeele: m Soab A Wēnde, kändg maam, la F rems-ma. La f tēeg kändgrā n yeel "Fo sēn peegd n tugd so- turgā, la remsmg wala känd remsgā

Yii a 'Ali nengē (Wēnd yard be a yīnga) a yeelame: Wēnd Tēn-tuomā yeela maam (Wēnd puusg la A tūlgr be a yīnga): «Yeele: m Soab A Wēnde, kändg maam, la F rems-ma. La f tēeg kändgrā n yeel "Fo sēn peegd n tugd so-turgā, la remsmg wala känd remsgā"».

[Naṣun Ṣahuhun (Gom-sikdem sēn manege)] [A Muslim n togs-a]

Nabiyaamā (Wēnd puusg la A tūlgr be a yīnga) a sagla a 'Ali [bn Abu Taalib (Wēnd yard be a yīnga) t'a kos Wēnde, la a bōos-A n yeele: (m Soab A Wēnde, kändg maam) la F peeg-ma la F toglg-ma (la F rems-ma) la F maan-m segl sōngo la F maan maam ti m tēeg turgā, yelā fāa pugē. Rēnd kändgrā: yaa sūd bāngre, sēn welg la sēn tigme, la paam segl sōngo n pug-A sēn vēneg la sēn solge. La remsgā: Yaa Wēnd sēn na n maan-f zu-noogo la tēeg turgā yelā fāa pugē, būmb ning sēn zemsd ne sūdā, yē me la sor sēn tēeg turgā gomdē la tuumdē la loεεgē. La sēn mik ti yell ning sēn ka tōe n paam vēnegā, b bilgd-a lame ne būmb ning sēn tar vēnegrā; bi f tēeg fo sēn wat n kot do-kāngā ti ad: (kändgrā: yaa Fo peeg n tug sorā) bi f ning f sūurē wā fo sēn wat n kot kändgr wala ned ning sēn tugd sorā peeegrā, bala yēnda a ka wēnegd sorā goabga, a ka wēnegd sorā ritgo, sēn na yilē n da menem ye, a sā n maan woto a paamda tūlgre, la a ta a sēn rat zīgē ningā tao-tao. (La remsgē wā yaa A rems-f wala känd remsgo), bala fo getame fo sā n wa tāo peemdā wakato, fo yāta a sēn tat tuulle, la a sēn yōkd būmbā, rēnd loabd sā n lobg būmbu, la a sēn maneg n rems peemdā n tees a sēn rat būmb ningā, yaa woto bal la fo kot Wēnde (A Naam zēk yā) ti fo sēn rat būmb ninga, sēn yaa remsgā, yaa wala peemdā, rēnd wakat-kāngā mikdame ti fo kosgā pugē, fo kota kändgr sēn ta raab la remsg sēn ta tēka. Bi f ning maanā-kāngā fo sūurē wā, bala kos Wēnd remsgo, bul yīng ti fo sēn maan Anniy wā ne būmb ningā kell n yi wala fo sēn remsd to-to wā ti f sā n na n tāo.

<https://sunnah.global/hadeeth/mos/show/5915>

